

8

Q. D. B. V.

DISSERTATIO IVRIS FEVDALIS,
DE
L E G I T I M A
EX FEVDO PETENDA

Q V A M

PERMITTENTE MAGNIFICO ICTORVM ORDINE
P R O L O C O

IN EO RITE OBTINENDO

D. XXIII. MART. A. O. R. MDCCLII.
HORIS ANTE ET POMERIDIANIS

PLACIDAE ERVDITORVM DISQVISIONI

S V B M I T T E T

D. IO. GOTTLIEB SIEGEL,

TITVLORVM DE VERB. SIGNIFICAT. ET REGVL.

IVR. PROP. PVBL. ORDIN. ACADEM. SYNDIC.

RESPONSVRO A MERIDIE

FRIDERICO AVGVSTO LINDEMANN,

D R E S D.

L I P S I A E
EX OFFICINA LANGENHEMIANA.





S. I.

Legitimam Ius Ciuile agnoscere, et ornare, *Origo legitimi-
dubio caret, licet inter Dd non constet, ^{mae incerta}
qua lege illa introducta fuerit. ^{est.} CIVI-
CIVS ^{a)} autumat, legitimam Legi Gliciae
natales suos debere, prouocans ad inscrip-
tionem L. 4. ff. de inoffic. testam. ita se
habentem: Caius libr. singulari ad Legem Gliciam. Aliis
placuit, ex constitutionibus Principum legitimam ducere
originem. ^{b)} Alii ad legem Falcidiam recurrere, eamque
legitimae parentem constituere, maluerunt. ^{c)} B. SCHV-
BERTH amicus noster, dum in viuis erat, amantissimus,
A 2 tutissi-*

a) Tom. 1. oper. posth. in lib. XIV. Quaest. Papin. p. m. 374. verb.
Probabilius est, querelam esse ex L. Glicia, ac similiter quar-
tam legitimae, quae excludit querelam, eam esse ex L. Glicia,
Lex fuit forte ita concepta: querelam dari liberis, nisi eis satis-
factum sit quarta. Et hanc quartam non esse ex constitutio-
ne D. Marci.

b) VVLTEI. ad pr. Inst. de SCt. Orphil. n. 1. DVAREN. ad ff.
lib. 5. t. 2. c. 2.

c) SCHVLTING ad Paul. recept. Sent. lib. 3. t. 8. n. 9.

tutissimam opinionem, qua legitimae ortus alteri Iuris Romani speciei, disputationi fori, et interpretationi Prudentum adscribitur, vocat. ^{d)})

§. II.

*Germanorum
LL. legiti-
mam igno-
rant.*

Germanorum è contrario LL. paucis exceptis, legitimam compertam non habent. Cuius assertionis fundamentum non inde peto, quod testamenta Germanis teste TACITO ^{e)}) olim incognita fuerint, itaque occasionem, de legitima agendi, Iuri Germanico defuisse, conclusio formanda; siquidem legitima concipi potest, quamvis ultima voluntas ignoretur, dum notio in portione certa bonorum quibusdam personis necessario relinquenda consistit; adeoque quod super istam portionem in bonis est, actibus inter vivos alteri tribui potest. Hinc prono alueo quidem fluit, quod legitima in persona eius, ex cuius bonis petitur, ius disponendi, et etiam illius usum in tantum supponat, ut v. c. Pater donatione patrimonii vires minuens, soboli ad auxilium legis de legitima cauentis, confugiendi, det ansam, neutiquam autem necesse sit, legitimam relinquere obstrictum, ultima voluntate bona sua transtulisse, indeque legitima gaudentibus ad hanc prouocandi, causam enasci.

§. III.

*Ratio demon-
stratur, cur
LL. Germa-
nicæ de legi-
tima fideant?*

Fundamento reprobato verum succedit. Pleraeque Leges antiquiores Germanicae, vel filias plane non admittunt, vel non nisi deficientibus fratribus, vel saltem ad immobilia non vocant. ^{a)}) Ex quibus argumentum nunc recte

d) in *Dissert. de vendit. inoffic.* §. 7.

e) *Mor. Germ. c. XX. Heredes, successoresque sui cuique liberi: nullum testamentum. Si liberi non sunt: proximus gradus in successione fratres, patru, auunculi.*

a) B. HEINECCIUS in *Elem. Iur. Germ. Tom. I. lib. II. Tit. IX. §. CCXIX.*

ſe componitur: Si filiae vi plurium Legum Germanicarum vel plane non ad bona parentum, vel non niſi deficientibus fratribus, vel ſaltem ad mobilia adſpirant, ſequitur omnino, quod Leges Germanicae legitimam filiarum ignorent. Inter filios antiqua Germaniae iura aequalitatem obſervarunt, et Parentes quoque ad luſtuofam liberorum hereditatem aequali modo admiferunt. Aliud certa ratione in LL. Wiſigothorum legitur, quae tertiam bonorum partem, itemque dotis maternae quartam partem liberis tanquam legitimam tribuunt. vid. *Lib. IV. Tit. V. §. 1.* verb. *ut ſuper tertiam partem rerum ſuarum* et *§. II.* verb. *non amplius, quam de quarta parte, poteſtatem habeat.* Pariter in LL. Langobardorum de legitima agitur vid. *ROTHARIS Leges cap. CLXVIII.* quod haec tradit: *nulli liceat ſine certa culpa filium ſuum exheredare, nec quod ei debetur per legem, alii rthingare.*

§. IV.

Speculum Saxonicum rationem naturalem ſequens *Lib. Speculum Saxonicum inaequalitatem inter filios prohibet, et collationem antea acceptorum iniungit, indeque patris voluntatem eò tendentem, ut feudum filio reſutatum, in computationem et diuiſionem hereditatis non veniat, ſed tanquam praecipuum vni filio aſſignatum, conſideretur, iniuſtam declarat.* Verba articuli ſic ſonant: *Want es auch gleich Lehn-Rechtens iſt, daß der Herr nicht mehr denn einem Sohn das väterliche Lehn verleyhet, ſo iſt es doch nicht dem Land-Recht gemäß, daß dieſer es alleine behalte, woſerne er nicht ſeinen Brüdern, ſo viel eines ieden Theil daran beträgt, erſtattet. Alſo iſt es auch nicht Land-Rechtens, ob der Vater einem Sohne ſein Lehn abtritt, und es ihm zugleich aufläßt, daß dieſer nach ſeines Vaters Tode es zu voraus behalte, und in den übrigen Lehen gleichen Theil mit ſeinen Brüdern*

bern nehme; Und ob sie ihm solches gleich nach Lehn-Rechte nicht verweigern könnten, so ist es doch nicht Land-Rechtens, dahero klagen sie über ihn zu Land-Rechte, so zwingen sie ihn daselbst wohl mit Urtheilen zu richtiger Theilung.

Quum autem hic locus ab omni dubio non vindicatus, operae pretium erit, verum ipsius sensum demonstrare, demonstratumque defendere. Ius Feudale Saxonicum commune filium non obstringit, feudum et allodium vna retinere, aut vtrumque repudiare, sed aliam successionem in feudo, aliam in allodio agnoscit, prout ex ipso textu allegato, et *Lib. II. art. XXI. in fin.* satis apparet. Quo ipso Ius Feudale Saxonicum commune à Iuris Feudalis Longobardici placitis differt, quippe quae *II. F. 45.* filium iuris, feudum ab allodio separandi, exulem faciunt. Quum itaque Ius Feudale Saxonicum filio permittat, in Feudo Patris succedere, et allodium repudiare, commemoratus *Art. XIV.* ita intelligendus, vt filius, cui pater feudum refutavit, huic in allodio quoque successerit, et eo ipso ad collationem se obstrinxerit. Aliud omnino sentiendum, si filius, cui feudum refutatum, paternae hereditati renunciaret, dum ita onus collationis cessaret. Neque explicationi alleg. *Art.* contrariatur, quod collatio solum habeat locum in bonis actibus inter viuos à parentibus acceptis *l. 7. C. de collat.* refutatio autem feudi anticipata successio habenda *II. F. 14.* itaque feudum à patre filio refutatum, ad obiectum collationis non trahendum, siquidem non omnes Iuris Beneficiarii interpretes huic opinioni accedunt, potius quidam *) text. allatum de casu quodam excepto capiunt, statuentes, in regula refutationem ad alienationem inter viuos referri. Dein Ius Feudale Germanicum refutationi anticipatam successionem

*Explicatur
Iur. Prouinc.
Saxon. lib. I.
Art. XIV.*

*Ius Feudale
Germanicum*

a) Inter quos nominare sufficit SCHILTER. in *Comment. ad Ius. Alem. c. LXX.*

nem minime inesse, docet Ius Feudale Alemannicum, *cap. refutationem*
 68. frequentem in modum disponens: *Gibt ein Mann sein Gut seinem Herrn auf, und bitt es seinen Sohn zu leihen, das heißt nicht Erb=Lehen, wann daß dem Menschen anstirbt. Wer sein Erb=Lehn aufgibt und es anderwerb empfacht, darnach heißt es nicht Erb=Lehn.* *pro successione anticipata non habet.*
 Vox: Erb=Lehn hic non denotat feudum hereditarium, sed antiquum, prout et latina versio id satis innuit, dum verba leguntur: *Si Vasallus Domino feudum refutat, petens ut filio suo id conferat, non manet feudum paternum, nec enim paternum est, nisi quod successione defertur.* Quemadmodum igitur mens *cap. 68. Iur. Feud. Alem.* est: feudum à patre in gratiam filii refutatum, nouum fit; ita extra omnem dubitationis aleam positum, refutationem feudi anticipatam successionem non continere, quippe qua feudum vetus constituitur *II. F. 1. in fin.*

§. V.

In Speculo Sueuico vestigia legitimæ occurrere videtur, cuius rei fundamentum non inde duco, quia passim in *In speculo*
 Speculo Sueuico verba reperiuntur: *ieder Seele ihren Theil*) *Sueuico vestigia legitimæ*
 porro: und der Seele ihren Theil, dum hae locutiones *occurrunt.*
 ad portionem quandam, quam heredes pro defuncti animæ *Explicantur*
 salute et remedio praestare, olim obstricti erant, respiciunt *verba: ieder Seele ihren Theil.*
Cap. 286. rem satis illustrat, quando disponit: **Und stirbet ein Mann, der weder Weib noch Kind hat, und hat er fahrend Guth gelassen, und hat darmit nicht geschafft,**

- a) Quae portio circa homines proprios in quarta parte consistit *cap. 287.* verb. und soll der Seel den vierten Theil geben; cuius diuisio in verbis subsequens: dem Pfarr=Herr das ein theil, das ander soll man unter armen Leuth theilen, das dritt soll man geben armen Bilgern, die über Meer fahren zu Steuer, traditur.

schaffet, das erben die nächsten Erben, der sey einer oder mehr, und ieder Seele soll man geben ihren Theil. Pariter *cap. sequ. 287.* huc pertinet in verb. und liegt ein Mann an seinen Todtbeth, und hat weder Weib noch Kind, hat er fahrend Guth, das giebt er wem er will, und der Seele ihren Theil. Prouoco itaque ad alium locum Speculi Sueuici, vbi portionis cuiusdam necessario relinquendae mentio iniicitur, videlicet ad *cap. 283.* eiusque verba: Und will ein Mann sein fahrendes Gut theilen unter Weiber und unter Kinder, diueil er sich vermag, so giebt er mit recht einem mehr, denn den andern, also, daß er mag einen zwoyrend als viel geben, als dem andern, und darüber nit. Quae satis indicant, patris arbitrium, bona sua mobilia inter liberos diuidendi, certis limitibus ita circumscriptum esse, vt si pater v. c. octingentos thaleros in bonis habeat, et duobus liberis instructus sit, vni necessario ducentos relinquere debeat. Quod similitudinem cum legitima, in quarta parte olim consistente, inuoluit. Si quis autem regerat, compilatorem Speculi Sueuici commemorato loco; non mores Germanorum, sed ex Iure Ciuili quoddam tradere, me non valde dissentientem habebit, quum pluribus locis Speculum Sueuicum Iure Ciuili ornatum, ^{a)} et in ipso nostro capite ad *cap. 252.* fit prouocatio, quod ex *Nov. CXV. c. 3.* desumtum.

§. VI.

Hodie in Germania legitima inter res notissimas refertur.

Quamuis igitur ex Iure Germanico legitima non semper defendi possit, in Germania tamen inter res notissimas haud dubie refertur. Et quum ex Iure Imperii Vniuersali, Romano

a) Vnum sufficiat allegare. In *Cap. 325.* legitur: aber ein Meister heißet Adrianus, der des Land-Rechts viel gemacht hat, der spricht also &c. quamuis satis ridiculus sit.

Romano sc. ortum trahat, inde primo intuitu fluere videtur, *Quaestio proponitur: an inter status Imperii usus legitimae locum sibi vindicet?* quod et plures defendunt, conclusionem subiicientes, quod in Iure primogeniturae introducendo, secundo-genitis ratione legitimae sit prospiciendum^{b)}). Hanc opinionem quoque corroborare videntur duo conclusa Iudicii Imperialis Aulici; ^{c)} quorum vnum huius est tenoris:

Veneris 16. Iul. 1717.

Non Hohenlohe Graf Carl Ludwig per Würk. sub praef. 13. huius, exponendo, wie daß er bey seinen Descendenten das Ius Primogeniturae einzuführen entschlossen sey, bittet allerunterthänigst, ihme die Kayserliche Confirmation allergnädigst zu ertheilen, apponit eine Beylag.

Fiat Commissio auf die beyden Grafen zu Hohenlohe-Schillings = Fürst, und Hohenlohe = Pfedelbach, et rescribatur eidem cum inclusione exhibiti, die *Facultates* des supplicirenden Grafens, und ob denen *Postgenitis* an der ihnen zuständigen *legitima* durch diese *disposition* kein *praeiudiz.* zugefüget seye? genau zu untersuchen, und so dann ihre umständliche Relation an Ihro Kayserliche Maiestaet allerunterthänigst zu erstatten.

Alterum autem ita conceptum:

Martis 19. Sept. 1730.

Hohenlohe = Bartenstein und Pfedelbach, Grafen und Gebrüder, contra ihren ältern Bruder, Grafen Carl Philipp zu Hohenlohe = Bartenstein, in puncto Corregiminius, et Condominii, item resp. Primogeniturae

etc. 4.

b) RHETIVS in *Instit. Iur. publ. Lib. 2. Tit. 40. §. 1.* MYNSINGER cent. VI. obseruat. XLIV, GAIL. lib. 2. obs. 119.

c) Exhibuit Illustr. MOSER. in *dissert. de legitima S. R. I. statuum liber. p. 10. sequ.*

etc. 4. Fiat ex officio Commissio auf den Herrn Bischoffen zu Bamberg und Würzburg et - - - rescribatur eidem - - - zusehenderst zwischen denen sämtlichen Brüdern, als so nahen Aunderwandten, durch sein Ansehen und nachdrücklichen Zuspruch, einen gütlichen Vergleich auf alle Weise versuchen, in dessen Entstehung aber sumptibus vtriusque partis, jedoch mit möglichster Ersparung der Unkosten, die ganze Sache, absonderlich den punctum Primogenituræ mit Inspicirung des väterlichen Original-Testamenti et Codicilli, auch resp. derer Original-Pactorum Familiae, so dann *Examinirung* der jährlichen sämtlichen Einkünfte, und der allensfalls daraus zu beurtheilenden *legitimæ* recht gründlich untersuchen, zu dem Ende die Partheyen, und resp. deren Curatoren mit ihren fundamentis pro et contra ad Protocollum vernehmen, auch sodann seinen Umständlichen Bericht, mit einschließung des Commissions-Protocollis, nebst einen standhaften rätlichen Gutachten, auf was Art und Weise dessen uralte gräfliche Familie und Linie von Hohenlohe-Bartenstein und Pfedelbach, am besten und sichersten aufrecht erhalten, auch wieviel allensfalls denen jüngern Brüdern pro Appanagiis ausgemorffen werden könne? an Ihro Kayserl. Majestaet innerhalb zwey Monathen gehorsamst erstatten möge.

Pariter istam adiuuat Clausula Diplomati Imp. Leopoldi de 20. 1688. ob ius primogenituræ in Domo Saxo-Gothana introductum, exhibito, inserta: So haben wir mit wohlbedachten Rath, guten Rath und rechten Wissen, zumahlen auch auf die vor sein, Herkogs Friedrichs Liebden, jüngern und noch unmündigen Sohns Prinzens Johann Wilhelm zu Sachsen, hierzu benannten Assistenten, und nächsten Bluts-Verwandten, benanntlich denen hochgebohrnen Albrecht und Hein-

Heinrich, beyde Herzoge zu Sachsen 12. 12. 12. Unsern lieben Oheimen und Fürsten bey ihren fürstlichen wahren Worten, treu und Glauben auf Unser gnädigstes Begehren eingeschickte Berichte und Attestata, (daß nemlich durch obinserirte Primogenitur-Disposition und die darinn verordnete Apanagia und Deputata gedachten jüngern Prinzen Johann Wilhelm, : : : noch auch denen ferner folgenden jüngern Söhnen, da Gott deren mehr bescherete, nicht zu kurz geschehe, sondern ihnen vielmehr ein Ersecklicheres zu geordnet und zugebracht seye, als ieder nach *Proportion* derer Lande und derer Gefälle, worauf bey Erb-Vertheilungen in diesen Fürstlichen Hause *reflectiret* zu werden pflegt, nach Abzug derer obliegenden *onerum*, zur *legitima* zugewarten haben mochte,) ob einberleibte Disposition und darinn verordnetes Ius Primogeniturae und was deme mehr anhängig, als jetzt regierender Römischer Kayser gnädigst confirmiret, approbiret, und bestätiget

§. VII.

Alii rectius sentiunt, Status Imperii in hoc passu Ius *Rectius* aliū Civile ita non tenere, vt legitimam liberis relinquere sint *negant*. obstricti, potius libero gaudere arbitrio, inter liberos disponendi, et legitimam minuendi.^{a)} Vnde coniicio, quod Statu Imperii vltimam voluntatem condente, non praeclise liberos in legitima titulo institutionis honorabili instituendi, neque in introducendo Iure primogeniturae secundo genitis de legitima prospiciendi, adsit necessitas.^{b)} Fundamentum

B 2

huius

a) B. GRIBNER. *de Praciudic. Princip. Imp. ex abusu Iur. Iustin. c. 2. §. 13. not. 6.* de COCCEI in *Iur publ. prud. cap. 27. §. 13.* SPRINGSFELD *de appanagio c. 12. n. 17.*

b) Hanc opinionem defendit etiam Facultas Iuridica Wittembergens. in Respons. quod HORNIVS Iurisprudenciae suae Feudali sub n. XII. subiccit.

Ob obseruantiam Imperii huius assertionis ex obseruantia Imperii deriuatur. c) In qua probanda varia testamenta et dispositiones Statuum Imperii, in quibus vel legitima disertis verbis diminuta, vel expresse cautum est, ne ad supplementum legitimae postgeniti prouocent, adducuntur, quae praeuia causae cognitione ab Imperatore approbata, vel alias in obseruantiam sunt deducta. Eo trahenda tabula vltimae voluntatis Iulii Ducis Brunsvicensis de ao. 1582. in verb. Auf das auch Unsere andere mittler und jüngere Söhne, wie gemelt, sich umb so viel besser zu erhalten, und Ihr Fürstl. Auskommen haben mögen, so soll Unser Ältester Sohn und Regierender Herzog Heinrich Julius J. J. L. L. = = = nach Gelegenheit, mit Rath und That Unserer hernachverordneten Testamentarien und der fürnehmsten Land-Räthen, entweder mit gewissen Herrschaften, Schlössern und Aemtern Unseres Fürstenthums, zu J. J. L. da Sie bey dem Regierenden Bruder zu Hofe nicht länger seyn, und Sich verhalten wollen, Uffenthalt und wesentlich Residenz versehen, die Ihnen übergeben, und anweisen, oder aber J. J. L. L. ein umb so viel ansehnlicher Stück-Geldes an jährlichen gewissen stehenden Renten, und Hebung übermachen, wie Ihn denn Unsere gehorsame Landschafft, nach iedermahliger Gelegenheit und Anweisung des obberwehnten 32. jährigen Vertrages, im Besten mit einzurathen wissen wird; Wir auch vermittelst Göttlicher Verleihung, hiernächst selbst, wie in dem uf alle Fälle, als da es mit Unsern Braunschweigischen Fürstenthum bey diesen ieizigen gegenwertigen Stande bleiben, oder auch nach Gottes Willen etwas mehr am Erbe gegen den regierenden Bruder anfallen, und zugehen würde, gehalten werden solle, weitere Verordnung zu machen, entschlossen seyn, also, daß ein ieder Unser Sohn seine ziemliche legitimam, si non totam,

c) Hanc testatur Illustr. MOSER c. 1. p. 3.

*tam, tamen diminutam bekommen möge; wie das für das
gelegenste und erträglichste sonst angesehen wird. Quae
dispositio teste Illustri MOSER. c. l. p. 4. eodem anno fir-
mata est ab Imp. Rudolfo II. in omnibus punctis, clausulis
et articulis. Plures dispositiones Statuum Imperii obseruan-
tiam commemoratam Imperii probantes, pariter communica-
uit Illustr. MOSER. in alleg. dissert. Quibus conclusa Iudicii
Imperialis Aulici §. VI. exhibita non derogant, mandant
enim solummodo, vt in inquisitione in facultates, legiti-
mae ratio habeatur.*

§. VIII.

STRYCK. in Dissert. de Casib. circa legitimam contro-
uers. Cas. I. mediante distinctione, an sc. primogenitura iam
ex antiquo, puta prouisione maiorum, vel Lege publica,
ut A. B. Tir. XX. §. 2. et 3. circa Electoratus disponit,
introducenda, an nouiter introducenda, litem istam componere
allaborat. Prioribus casibus autumat, secundo genitis legi-
timam petendi, ius non esse, posteriori vero patrem suo fa-
cto liberis secundogenitis vltimius praeiudicium inferre non
posse, quam vsque ad legitimam. Verum enim vero, quum
obseruantia Imperii iuxta tradita in §. antecedenti, Status
Imperii à necessitate, legitimam liberis relinquendi, absoluat,
non video, qua ratione secundo genitus, si pater nouiter ius
primogeniturae introducens, in determinatione appanagii
legitimam minuat, huius voluntati contradicere queat. Et
ratio, quae ex mente STRYCKII secundogenitos tenet, dum
ius primogeniturae cum minutione legitimae, prouisione ma-
iorum introductum, locum sibi quoque vindicat, quando
Ius primogeniturae, extantibus secundogenitis, introducitur.
Ita enim argumentum componitur: Si secundogenitus con-
tentus esse debeat appanagio legitima inferiori, quod auus,
proauus, eius determinauerit, sequitur, quod etiam secundo-
genitus illius patris, qui nouiter ius primogeniturae introdu-

xerit, debeat acquiescere in appanagio legitimam non attinente. Nepos, pronepos enim appanagium legitimam minuens, inde agnoscere obstringitur, quia filius aui, proavi, primogenituram introducentis, in ipsius voluntate acquiescere debuit. E. et vltiores descendentes declarationi maiorum, morem gerere obligantur. En igitur rationem claram, et perspicuam, cur secundogenitus circa primogeniturae introductionem à patre factam, nihil regerere queat. Illustr. MOSERI confutationi argumenti STRYCKIANI, omni ex parte non accedo, fallit, inquit *p. 16.* in feudis ex pacto et prouidentia maiorum, siue gentilitiis ratio, quod nati demum post ius primogeniturae iam constitutum, melius ius praetendere nequeant, quum idem iuris habeant, quod habuerit primus acquirens. His verbis MOSER asserere videtur, quod ius in feudo ex pacto et prouidentia sit immutabile, hoc sensu: quali iure primus acquirens gauisus est, eo etiam gaudere debent, omnes sanguinem ab eo trahentes. Sed considerandum, feudum ex pacto et prouidentia, aliam assumere naturam, dum à parente ad filios transmittitur, fit enim hereditarium ipso iure, ideoque sine omni dubio patri potestas competit, de tali feudo inter filios disponendi, et ius, quod penes primum acquirentem fuit, minuendi. Quo ipso et MOSER à recto tramite defleat, quando patri facultatem, de feudo inter liberos disponendi, adimit. *Text. II. F. 8.* ad quem prouocat, de casu agit, ubi Vassallus in praedictum agnati, de feudo testari cupit.

§. IX.

*Contingere
potest, ut le-
gitima ex feudo
Imperii petatur.*

Licet itaque Status Imperii circa legitimam liberorum alio iure, quam in LL. Romanis dispositum, vtantur, casus tamen euenire potest, ubi ex Feudo Imperii legitima petitur, liberi enim Statuum Imperii non ipso iure legitima priuantur, sed voluntate Patrum. Quando igitur Ius primogeniturae non introductum, nec Patris dispositio legitimae prae-

præiudicium inferens extat, apparent autem requisita ad legitimam ex feudo petendam necessaria, quæ in subsequentibus expositurus sum, nullum est dubium, quin liberis Statuum ex feudo Imperii pariter debeat legitima.

§. X.

Vt autem debito ordine procedam, de definitione legitimæ ex feudo petendæ, ante omnia sollicitus sim, necesse est. Ex mente COCCEII in *Iur. Controu. ad lib. XXXIX. Tit. V. qu. IX. §. X.* nostra legitima ita definienda: est portio portionis tempore feudi inofficiose quaesiti debitæ, COCCEII enim l. c. notionem legitimæ ob donationem inofficiosam debitæ, sic format: est portio portionis tempore donationis debitæ. COCCEII fundamentum suæ definitionis ex *Nou. XCII. c. 1. verb. Vt si quis donationem immensam in aliquem, aut aliquos filiorum fecerit, necessarium habeat, in distributione hereditatis, tantam unicuique filiorum servare ex lege partem, quanta fuit, priusquam donationem pater in filium, aut filios, quos ea honoravit, faceret, petit.* Verum regerendum puto, quod in computanda legitima ad tempus v. c. donationis una quidem respiciendum, ut quantitatis donatæ ratio habeatur, sed hoc non sufficit, potius etiam tempus mortis patris considerandum, hoc enim docet, an læsio legitimæ reuera contigerit, quod et *Nou. cit. verb. in tantum autem aucta quantitate, legitur.* Inde vero non sequitur, tempore donationis immensæ legitimam quoque deberi, viventis non est legitima, post obitum patris legitima demum peti potest. l. 31. C. de inoffic. testam.

§. XI.

Aliam igitur substituo definitionem, videlicet est portio portionis lege debitæ ex feudo, cuius acquisitione aut concessione maxima pars patrimonii consumpta, petenda. *Nostri definitio.* Explanationem huius definitionis sequentes §. §. suppeditabunt.

Duo sunt casus, ubi ex feudo legitima debetur, verum sub definitione non comprehenduntur. Hoc in antecessum moneo, me definitionem ad casum, ubi pater possidens feudum in ultima sua voluntate vni ex filiis feudum tribuit, et alterum saltem in legitima heredem facit, non trahere, licet nullum dubium sit, quin ex feudo tunc debeatur legitima, videlicet feudum a patre ad filios transmissum naturam feudi hereditarii assumit, proinde feudum et allodium vnam constituunt massam, ex qua legitima computatur, et praestatur. Pariter nec is casus sub definitione comprehenditur, quando filius a Domino alioque, cui pater feudum refutavit, post obitum huius legitimam saluam non relinquentis, petit. Duobus his casibus feudum inofficiose quaesitum non est, proinde et definitionis applicatio cessat.

§. XII.

In Iure Feudali Germanico et Langobardico non occurrit fundamentum, unde legitima ex feudo peti queat. In Iure Feudali Germanico et Langobardico dispositio legitimam ex feudo petendam stabiliens, non occurrit, quod I. F. 6. traditur, vestigia legitimae non continet, sed iubet Dominum, tuto, qui feudum retinere non potest, alimenta praestare; inter alimenta autem et legitimam apparent discrimina indubitata; ea debentur et liberis illegitimis, haec est propria legitimis tantum. *) Ad ea vnus saltem ex parentibus obstrictus, hanc omnes ascendentes debent. Illorum quantitas non est determinata, bene tamen huius. Obligatio alendi est subsidiaria, si nempe liberi se ipsos exhibere non valeant, legitimam petunt et liberi opibus non exiguis instructi. Ius Saxonicum Electorale disertis verbis legitimam ex feudo petendam approbat; integra *Constit. ined. II.* de ista agit.

In Saxonia Electorali legitima ex feudo petenda diserte approbatur. Fundamentum praecipuum indicat.

§. XIII.

Licet igitur in Iure beneficiario Germanico et Langobardico altum de legitima ex feudo petenda, sit silentium; adfunt

a) Limitationem vid. infra §. XXIX.

adsunt tamen idonea argumenta, quae legitimam ex feudo ^{rar, car la-}petendam optime defendunt. Notum, imò notissimum est ^{gitima ex feu-}Principium Iuris Feudalis: in subsidium ad Ius Civile recur- ^{do peti potest.}rendum, quod ipse Feudista *II. F. 1.* agnoscit. Vñus huius Regulae quemadmodum toties quoties in Iure Feudali se exerit; ita et habita ratione ad legitimam omni dubio caret. Quum itaque Iure Civili post obitum patris liberis, et obitum filii parentibus legitima necessario relinquenda, et ius intuitu legitimae competens, tam ratum, firmumque sit, ut non nisi liberorum et parentum factis infringi queat, indeque actus in praedictum huius legitimae tendentes, hanc petenti cum effectu obijci nequeant, cum fundamento assero, legitimam exigi posse, si parens, vel filius feudi acquisitione, vel concessione ipsi praedictum intulerit. Plures rationes intencionem filiarum legitimam ex feudo petentium adjuvantes, studiose collegit, HARTMANN PISTORIS *lib. II. qu. XXXVIII. n. 63. seqq.*

§. XIV.

Dubium praecipuum, quod contra thesin demonstra- ^{Contra legi-}tam obiicitur, sic se habet: legitima est portio bonorum ab ^{timam ex}intestato debita. In quibus bonis igitur non succeditur, ^{feudo peten-}nec succedi potest, ex illis nec debetur legitima. In feudis ^{dam obiicitur,}non succedunt defuncti Vasalli filiae *II. F. 36. 50.* vel ascen- ^{quod filiae,}dentes *II. F. 50.* hinc conclusio, quod ex feudo Vasalli ^{parentes in}obitantis neque filiae, neque parentes legitimam petendi, ^{feudo succe-}gaudeant iure, nulli dubitationi obnoxia videtur. Hoc ar- ^{dere non pos-}gumentum in contrarium licet primo intuitu satis arduum sit, sententiam tamen meam, eiusque fundamentum non labefactat, dum notio legitimae ex feudo petendae non semper ita concipienda, ut pars feudi legitimae cedat, sed uti infra §. XXXIX. pluribus exponam, ad aestimationem feudi, vel pretium, quo hoc comparatum, saepius respiciendum, indeque certa pecuniae summa a feudi possessore solu- ^{unt.}enda,

uenda, qua praestatio legitimae expletur. Et si legitima filiabus, vel parentibus in parte praedii praestetur, de quo §. XL. agitur, pars illa non vt feudum, sed allodium consideratur, in quo filiabus et parentibus indubitatum succedendi ius competit.

§. XV.

Sunt quidem adhuc plura dubia, quae contra sententiam meam in medium proferuntur, ^{a)} verum quum PISTORIS c. l. iis iam fecerit satis, huc transcribere, superuacuum erit. Potius me ad tractandas materias vtiliores, quae alibi non ita excussae sunt, conuerto; vbi hunc seruabo ordinem, vt primo loco feudum, vnde legitima petitur, dein personas, quae eandem petunt, et a quibus petitur, porro quantitatem et computationem legitimae, nec non medium, quo petitur; et tandem casus, vbi legitima ista cessat, demonstrem. Feudum, vnde legitima petitur, alias inofficiose quaesitum vocatur, conf. Magnifici B A V E R I *Dissert. de feudo inofficiose quaesito*. Et quemadmodum tale fit, dum iuxta definitionem nostrae legitimae in §. XI. traditam, maxima pars patrimonii feudi acquisitione aut concessione consumitur, ita tres se offerunt feudi inofficiosi species, nempe quando in comparationem feudi maxima pars patrimonii erogatur, vel potior pars bonorum in feudum offertur, aut alteri in feudum conceditur. Ius patrum in *Consl. ined. II.* primam saltem speciem feudi inofficiose quaesiti commemorat; verum in §. XXV. apparebit occasio inquirendi, an reliquae duae species feudi inofficiose quaesiti ad *Consl. ined. II.* pariter trahendae.

Ordo thematis tractandi.

Feudum, vnde legitima petitur, describitur.

Tres sunt species feudi inofficiose quaesiti.

§. XVI.

Fraus ad feudum inofficiose quaesitum

Inter requisita ad feudum inofficiose quaesitum necessaria, fraus non refertur, vnde licet pater bona fide maximam

a) Legi possunt apud HEIGIVM *part. prior. qu. XXV.*

mam bonorum partem in comparationem feudi impen-^{non requiri-}
 dat, vel in feudum offerat, aut concedat, nihilominus le-^{tur}
 gitima inde peti potest. In petenda legitima ex feudo
 non ad odium, quo in praeiudicium legitimae actum
 quendam celebrans, dignus est, sed ad fauorem petentium,
 respiciendum, et quum hic semper appareat, omni fraude
 etiam cessante, merito ius petendi legitimam ex feudo et
 eo casu, quo omnia honesto modo peracta fuerint, rectè
 propugnatur. Cui accedit, quod thesi contraria assumta, sae-
 pius contra omnem iustitiam et aequitatem, legitima ex feu-
 do denegaretur, videlicet si v. c. Iauolenus nullam vxorem,
 nullamque sobolem habens, feudum acquireret, et in ipsius
 comparationem omne suum patrimonium impenderet, po-
 stea autem vxorem, et ex ea filias susceperet, tandem vita
 fungeretur, nullum allodium, feudum autem simultaneè in-
 uestitis relinquens, quo casu iuxta thesin contrariam filiae su-
 perstites nullam legitimam ex feudo petere possent. Acqui-
 rens ab omni fraude alienus fuit, qui enim liberos nondum
 habet, in praeiudicium eorum legitimae nihil inire potest. Dein
 donationem à patre factam, liberi infringere valent, licet do-^{neque ad do-}
 nans ab omni defraudandi consilio longe remotus sit. Quam ^{nationem in-}
 sententiam sequentem in modum defendo: In *l. 2. C. de inoffic.*
donat. commemoratur donatio inofficiosa ex impetu immensae
 liberalitatis facta, ideoque non ex dolo. In *l. 5. Cod. eod.* libe-
 ris post donationem inofficiosam natis, ius hanc impugnan-
 di tribuitur, quo ipso satis euincitur, donationem fieri inof-
 ficiosam, licet consilium defraudandi cum ea haud connexum.
 Equidem scio, dissentientes potissimum ad *ad l. 8. Cod. eod.*
 prouocare, vbi consilii et euentus mentio coniun-
 gitur; verum inde non regula formanda, sed regerendum,
 quod in casu ibi proposito coniunctio vtriusque contigerit.
 Nostrae opinioni et praxis adstipulatur, ita B. WERNER

*Const. ined.
II. nullius
fraudis facit
mentionem.*

Tom. I. p. 933. praeiudicium ^{a)} exhibet, quod donationem inofficiosam iudicat, quamvis nulla fraus interuenerit. In Saxonia nostra omni altercatione hac in re supersedere possumus. *Const. ined. II.* legitimam ex feudo petendam delineans, varia eius requisita, de quibus suo loco verba facturus sum, comme-

- a) Quod ita conceptum: Besüßen sich die Kinder erster Ehe in der legitima laediret, wenn der hinterlassene Herr Witwer die 2000 thlr. ihm zu gebrachte Ehe-Gelder behalten, die Kinder auch an noch von denen beneldbten 225 rthlr. die Passiu-Schulden tilgen und vergnügen sollen; dahero derselbe ferner des Rechts belehret zu werden verlangt: Ob nicht der Herr Witwer von denen 2000 thlr. Ehe-Geldern den Kindern, was ihnen von dem Pflicht-Theile ermangelt; zu suppliren, und daran heraus zu geben verbunden? Wann nun gleich der Herr Witwer, als seine Frau Gemahlin an noch an Leben gewesen, diese 2000 thlr. Ehe-Gelder per partem zu getheilet erhalten, und daß dadurch die Kinder in der legitima verleset worden, dahero nicht füglich zu statuiren scheint, angesehen viuentis nulla hereditas ist l. 1. ff. de hered. vel ad. vendit. die legitima aber bloß von denen hinterlassenen Erbschafts-Stücken denen Kindern zustehet, und iuxta tempus mortis parentum zu computiren, l. 5. et 6. C. de inoffic. testam. Fuchin. L. 1. Controu. Cap. 27. §. si non prohibet so gar, daß auch viuis parentibus denen Kindern keine legitima gehöret, noch selbige solche von denen Erben fordern können l. 1. §. 21. ff. de Collat. bon. ibique Godofredus. Dennoch aber und diweil solches alles seinen Abfall leidet, wenn die Eltern zum praeiudiz ihrer Kinder das ihrige dergestalt an andere zu verschenden, sich anmaassen, daß die Kinder in ihrer zu erwarten habender legitima verfürhet werden, in welchen Fall dergleichen donationes pro parte legitimam laedente per querelam inofficiosae donationis zu rescindiren sind Nou. 92. c. 1. Barbos. Thesaur. locuplet. l. 10. c. 10. Ax. 11. So erscheinert daräus so viel, daß der Herr Witwer von denen 2000 thlr. Ehe-Geldern denen Kindern was an ihren Pflicht-Theile an noch ermangelt, zu suppliren, und davon heraus zu geben verbunden. W. N. W.

commemoratur, verum inter ea fraudem, vel fraudandi consilium, minime refert.

§. XVII.

Feudum, vnde legitima petitur, nouiter debet esse ac-^{Feudum vnde}quisitum, vel constitutum. Feudum nouum hic vocatur, vbi^{legitima peti-}quis vel ad praesentem possessionem peruenerit, vel quendam^{tur, nouum}esse debet: in possessionem feudi constituerit, per maximae partis pa-^{quo sensu hic}trimonii erogationem; hinc simultanee inuestito feudum pro^{ita vocatur,}pretio, quod maximam partem bonorum absorbet, compa-^{exponitur.}rante, feudum eo sensu nouiter acquisitum dicitur, vt legitima inde peti possit. Ius patrum quidem aliter disponere, videtur in *Constit. ined. II.* verb: zu erkaußung eines^{Constit. ined.}ganz neuen Lehens, daran er zuvor keine Mitbeleh-^{II. conceptum}nung oder Anwartsung gehabt, anwenden. Verum^{feudi noui fi-}Magnificus Ordinarius noster in *alleg. dissert. §. XVII.*^{sens, exami-}natu-^{natur.} verba ista ad sanctionem non trahit, sed cum in finem apposita esse, autumat, vt notioni feudi noui, quod *Const.* necessario requirit, inseruiant. Non inutile erit, ipsissima verba, quibus *Vir Illustris* sententiam suam summo ingenii acumine defendit, huc apponere: „Verum verba ista: „daran er zuvor keine Mitbelehnung oder Anwartsung ge- „habt ic. non quidem pertinent ad ipsam sanctionem et de- „cisionem quaestionis propositae, sed respiciunt saltim feudi „noui, cuius mentio immediate praecedit, descriptionem, „adeoque eo fine inserta sunt, quo adquisitio feudi noui „ab acquisitione feudi antiqui, vel quae sit beneficio simul- „taneae inuestiturae nec non expectantiae, accurate secer- „neretur, ita vt sensus potius iste sit, quod, si quis feudum „non vi expectantiae, vel simultaneae inuestiturae, sed de „nouo acquirat, atque bona sua allodialia inde exhauriat, „filiabus debeatur legitima. Vtuncque enim aliter verba „textus accipere, vel a contrario sensu argumentari velis: „tamen haec argumentatio ob id locum inuenire nequit,

„quia rationi legis atque Serenissimi Legislatoris intentioni
 „contrariatur. Quippe Serenissimo Saxoni propositum est,
 „prohibere, ne quis bona sua allodialia in fraudem legitimae
 „filiabus debitaе comparationi feudorum impendat. Quod
 „si ergo arguere velis, permiffum esse, vt quis feudum,
 „de quo antea simultanee inueftitus vel expectiuatus est, non
 „expectata fucceffione emeret, et allodium exinaniret; ipse
 „Sereniffimus LLator altera manu filiabus abstuliffet, quod
 „altera dederat, imo anſam dediſſet, ſanctionem ſuam alia
 „via electa eludendi, quale quid arguere velle, abſurdum eſt.
 „Vnde ea, quam ante ſuppeditauit, textus explicatio vſu
 „fori comprobatur, et filiabus denegatur legitimae petitio
 „ex feudo, quod patri ex ſimultanea inueſtitura, vel expe-
 „ctantia obuenit, conceditur vero, ſi Vaſallus deferendam
 „in feudo ſucceſſionem non expectet, ſed omnia bona ſua,
 „vel ſaltim maximam partem, in eius comparationem con-
 „uertat.” Aliud iudicium ferendum, vbi quis feudum poſ-
 „ſidet, et poſtea maximam bonorum partem in feudum im-
 „pendit, dum vel hypothecam feudalem ſolutione debiti tol-
 „lit, vel aedificia in feudo exſtruit, a) vel alias feudum me-
 „exſtruente, lius inde reddit, hinc termini legitimae ex feudo petendae
 „mae ex feudo non adſunt, Vaſallus enim haec peragens bona non diſtra-
 „hit, vt vires patrimonii minuantur, atque legitimae praeiu-
 „dicium inferatur, potius debitum feudale verſione in rem
 „nitens inde efficitur, quod filiae, a poſſeſſore feudi, poſt obi-
 „tum impendentis, recte exigunt.

§. XVIII.

*Species feudi
 inofficioſe
 quaefiti caſu*

Species feudi inofficioſe quaefiti, vnde legitima prae-
 ſtanda, caſibus nunc illuſtrandae veniunt. *Primus* eſt: Ia-
 uolenus

a) Iure Feudali Germanico aedificia in feudo exſtructa huic ce-
 dunt. *LL. lib. II. art. XXI. in fin.* nec debitum feudale inde
 redditur, proin iſto caſu ad auxilium legitimae conſugiendum.

uolens feudum emit, cuius pretium maximam eius bono-^{bus illustran-}
rum partem absorbet. *Alter* est: Iauolens praedium quod-^{tur.}
dam, maximam partem sui patrimonii constituens, in feu-
dum offert, et ut feudum recipit. *Tertius* est: Iauolens
praedium, in quo potior patrimonii pars consistit, cuidam
in feudum concedit, dominium directum sibi referuans. Cir-
ca duos priores casus nihil ulterius monendum, quum facilli-
mo negotio quilibet sibi concipere queat, hac ratione con-
tingere posse, ut filiae, vel parentes in legitima laedantur.
Circa ultimum autem dubium inde emergit, dominium di-
rectum penes concedentem feudum est, hoc iure allodii
censetur, hinc heredes omnis generis, itaque vi consequen-
tiae filiae, parentes defuncti Domini in isto succedere pos-
sunt, quare laesio legitimae hoc casu non ita videtur demon-
strari posse, uti in prioribus. Haec omnia quidem rectè se
habent, ita ut in dominio directo fiscus tanquam ultimus
heres succedat, MEIER. in *Disp. de Successione feudi Cap.*
IV. §. 4. nihilo tamen minus et hoc casu legitimae laesio
extat, hinc ex feudo refarcienda; videlicet aestimatio do-
minii directi exigua omnino est, quum omnes fructus ex re
cum dominio utili coniuncti sint *II. F. 8. §. 2. II. F. 23. verb.*
ususfructus; unde si fundus Tusculanus 20000. Imper. con-
stans, in feudum commutetur, dubito valde, an pretium illud
minutionem patiatur. Demus autem, dominium directum,
et reliqua Domini directi iura suum habere pretium, in de-
terminanda tamen legitima, ad aestimationem dominii directi
non respicitur, quum hoc casu pars feudi legitimae cedat,
vid. infra *§. XL.* Qua ratione igitur feudum penes eum,
qui inofficiose illud acquisiuit fuit, ea ratione et petens legi-
timam portione feudi contentus esse debet.

§. XIX.

Licet igitur tres isti casus conueniant, quod quolibet ^{Si maxima}
legitima ex feudo peti queat, in eo tamen primo intuitu ^{pars bonorum}
^{in feudum}
discre-

concessa, indeque legitima filiae concedentis praestita, feudum autem ad ipsam postea reuersum fuerit, quaestio ventilatur, an legitima restituenda?

discrepare videntur, quod ultimo conditio possessoris feudum sit melior, duobus prioribus, quum spes appareat, legitimam, quam in praesenti praestitit, aliquando recuperandi, videlicet feudum, vnde legitima soluta, redit ad Domini heredes, qui legitimam ex feudo iam consecuti sunt, quo facto causa, vnde legitimam acceperunt, finita, adeoque ad eius restitutionem obligantur. Verum in hoc passu inter hunc et duos alios casus, vbi feudum inofficiose quaesitum extat, nullum intercedit discrimen, siquidem patre maximam bonorum partem in feudum concedente, et post ipsius obitum parte praedii in satisfactionem legitimae, filiae tributum, superfluum est, disquirere, an feudo ad filiam Domini, quae legitimam inde accepit, deuoluto, legitima antea praestita, repeti queat? Reditu feudi filia Domini plus non consequitur, quam antea habuit, quando enim pars praedii filiae in locum legitimae cedit, intuitu huius partis negotium feudale finitum, quippe quod in illis partibus, quae penes Vassallum manent, tantum subsistit. Et quemadmodum haec partes cum ista, quae praestationi legitimae inferuit, nullam affinitatem habent; ita his partibus ad filiam Domini deuolutis, causa, vnde legitima praestita, minime finita, proinde nec haec restituenda. Aliud forsitan asserendum, si filia defuncti Domini directi cum Vassallo paciscens, ut legitimam certa in quantitate praestet, diuisioni praedii feudalis renunciaret, idque totum Vassallus retineat, paulo post autem feudum, quia possessor sine successoribus feudalibus decedit, ad filiam Domini dominio directo gaudentem, reuertitur. Dum enim considero, filiam Domini ob feudum a patre constitutum, legitimam petiisse, et etiam accepisse; iam verò feudum ad filiam rediisse, indeque cum adepta possessione feudi finiri causam, vnde filia legitimam antea consecuta sit, apparet ratio, cur filia Domini Vassalli defuncti heredibus allodialibus eam pecuniae summam, qua legitima praestita fuit, restituere obligata

gata sit; quemadmodum si fullo vestimenta lauanda conduxerit, deinde, amissis eis, domino pretium ex locato conuentus praestiterit, hoc a domino vestimenta postea inueniente, reperendi iure gaudet *l. 2. ff. de condict. sin. caus.* Verum hisce non obstantibus autumo, heredibus allodialibus defuncti Vasalli nullam competere actionem, qua filiam Domini conuenire possint, vt legitimam reddat. Filia Domini cum possessore feudi, vnde legitimam petiit, pactionem iniens, vt istam quantitate certa praestet, et feudum totum retineat, cum Vasallo super partem feudi ad legitimam spectantem, contractum feudalem de nouo celebrat, et quantitate determinata soluta, partem istam Vasallo relinquit, quod negotium firmum, validum, purum est, hinc praetextu conditionis cuiusdam ex postfacto infringi nequit. Sicuti igitur per redditum feudi ad filiam Domini, causa, vnde haec legitimam ante accepit, finita minime dici potest, quippe quae cum redditu feudi nullam inuoluit cognationem, sunt potius diuersa, et plane separata, ita negotio isto adhuc subsistente, heredes allodiales defuncti Vasalli legitimam a filia Domini repetendi, carent iure, et ratio diuersitatis inter nostrum, et casum ab *VLPIANO* in *leg. alleg. 2.* allatum, in aprico est, videlicet penes fullonem vestimenta pretio soluto non manent, sunt enim amissa, sed fullo ex contractu locati conuentus, pretium soluere obstringitur, soluit autem sub conditione quasi, si vestimenta non iterum inueniantur, his itaque inuentis, fullo pretium solutum nunc recte repetit. In nostro autem casu res ipsa, cuius aestimatio praestita, soluenti relinquitur, quae postea voluntate ipsius ad filiam Domini redit.

§. XX.

Parum caeterum refert, quale feudum nouiter constituitur, quo praedictum legitimae infertur. Hinc nullum dubium, quin, etsi feudum pacto antiqui, als ein alt Bäter-
*Ex feudo patris antiqui
 adquisito,*

liches Stamm-Lehn concessum, nihilo tamen minus legitima inde peti queat. Porro feudo foemineo, hereditario, quod post obitum patris ad filias non statim transmittitur, nouiter acquisito, termini habiles legitimae inde petendae extant. Neque obiicies, quod spes supersit, fore, vt filiae extinctis masculis, adhuc successionis commodo fruantur *II. F. 30.* siquidem haec spes incerta putanda, nec monente *BAVERO* in *Disp. alleg. §. XV.* filiabus imputandum, vt incertum futurae successionis euentum expectent, quum legitima sine omni onere relinquenda sit, vt ne quidem pure relicta, praestationem ad certum tempus dilatam, ob onus in temporis detrimento consistens, admittat *l. 32. C. de inoffic. testam.*

§. XXI.

Filia ex feudo foemineo legitimam accipiens, postea autem in eo succedens, ad eius restitutionem non obligatur.

Quid iuris autem, si filia ex feudo foemineo legitimam consecuta sit, posteaque ipsum ad feudum deficientibus masculis adspiret? valentne heredes allodiales defuncti Vasalli, qui legitimam suae sorori praestitit, hanc repetere? Foemina in feudo succedens, legitimam antea adeptam, sine causa non possidet; duplex hic subest patrimonium et successio, filia a fratre feudum paternum solo capiente, legitimam petit ex bonis patris, cui et succedit. Feudum post obitum patris ad filium deuolutum ad huius patrimonium refertur, et ab eo improle decedente ad sororem, ipsi succedentem transmittitur. Causa itaque, vnde filia legitimam accepit, per successionem in feudo fraterno finita dici nequit, proin repetitio ipsius nullibi fundata.

§. XXII.

Maxima pars bonorum, quae in feudo debet esse impensa, si legitima inde petenda, explicatur.

Non ex omni feudo nouo filiae, parentes legitimam petere valent, sed ex eo saltem, quod maximam partem bonorum acquirentis, aut concedentis absorbet. Quis horum verborum sit sensus, *Const. ined. II. verb. in allen andern Fällén*, als so das Lehen Alt-Groß-Väterlich, oder auch allein Väterlich wäre, oder da auch ein neu Lehen

hen von dem Gelde, so aus einem alten Lehen herkommen, erkauffet, oder da der Vater nicht den ganzen oder mehrern Theil, sondern allein die Helffte und darunter, oder auch wann derer Kinder unter vieren, nicht über zwey Drittheil seiner Erb-Güter, zu Erkauffung des neuen Lehens angewandt. soll denen Töchtern daraus und derentwegen ganz keine *legitimam* zu fordern gebühren, ex parte declarat, videlicet respicit hic Constit. ad potestatem illam, de bonis suis disponendi iure communi competentem, quippe qua ad dimidium, vel duas tertias integrum est, bona sua distrahere, vltior dispositio laedit legitimam, quod Legislator Saxo ad feudum quoque trahit. Et licet iure feudali communi numerus liberorum aliter consideretur, quam iure patrio, inde tamen assertioni nostrae nihil decedit, aliud est finire potestatem, quousque quis sine praeiudicio legitimae de bonis suis disponere potest, aliud est determinare legitimam, intuitu prioris conueniunt ius feudale commune et patrium, ratione posterioris e contrario apparet discrimen. Vt autem de re clarius constet, exemplum in medium proferam, vbi iure feudali communi maxima pars bonorum in comparisonem feudi, eiusue constitutionem impensa reperitur. Iauolenus in bonis habet 40000. Imper. et sex liberos, non autem necesse est, vt hic numerus liberorum tempore feudi inofficiose quaesiti extiterit, sed sufficit, tempore mortis talem adesse. Emptioni feudi 30000 Imper. impendit, vel praedium tanti pretii in feudum obtulit, aut concessit, post obitum ipsius extat allodium 10000 Imper. liberorum legitima tunc non est salua, quippe requirit summam 20000. Imper. quare id, quod legitimae deest, ex feudo supplendum. Quod si autem contingat, Iauolenum 24000 Imper. possidentem, et quatuor liberos suscipientem, 10000 Imper. feudi acquisitione, aut concessione consumere, et post mortem allo-

dium 14000 Imper. constans relinquere, tunc feudum ab omni onere legitimæ præstandæ immune est.

§. XXIII.

*In Saxonia
Electorali
maxima pars
bonorum in
feudum ero-
gata, paulo
aliter conside-
ratur.*

Aliter res se habet iure nostro patrio. *Const. ined. II.* determinans partem bonorum in comparisonem feudi impensorum §. in allen andern Fällén, ad numerum liberorum respicit hoc sensu: si quis quatuor vel plures habeat liberos, et supra dimidium bonorum, tribus vel paucioribus liberis autem extantibus, supra duas tertias, feudi acquisitione consumit, termini legitimæ ex feudo petendæ apparent. Hinc casus ad illustrationem *Const. ined. II.* faciens, ita se habet: Iauolenus pater quatuor liberorum possidens 40000. Imper. 21000. Imper. in comparisonem feudi impendit, quo ipso ius nascitur, caeteris paribus legitimam ex feudo petendi. E contrario Iauoleno 20000 Imper. tantum in acquisitionem feudi impendente, termini legitimæ ex feudo petendæ non extant.

§. XXIV.

*Dubium con-
tra Const.
ined. II. ma-
ximam par-
tem bonorum
non habito
respectu ad
quantitatem
legitimæ ex-
ponentem,
monetur.*

Estne autem dispositio *Const. ined. II.* commemorata, qua quatuor liberis extantibus, dimidium, paucioribus concurrentibus, duas tertias patrimonii, in comparisonem feudi erogare, permittitur superflua, quum legitima ex feudo petenda ibidem minuta, nec amplius dimidia, aut tertia pars, sed iuxta numerum liberorum aut quarta, aut tertia. Nullam itaque forsitan inuenire est rationem, cur exemplum: Iauolenus pater quinque liberorum in bonis habens 24000. Imper. impendit 14000. in feudum, et relinquit 10000 Imper. ceu allodium, taxet *Const. ined.* quum legitima nullo modo læsa reperiatur. Non nego, hanc considerationem animum meum diu agitalle, ut fere autuma-uerim, melius fuisse, si Legislator Saxo maximam partem bonorum in comparisonem feudi impensam determinans

ad quantitatem legitimae ex feudo petendae, respexisset, itaque disposuisset, feudum inofficiose quaesitum vocari, si pater quatuor liberorum plus duabus tertiis, et trium plus tribus tertiis, erogasset in feudo comparando. Re autem curatius ponderata, reprehendi, Legislatorem Saxonem piissimae memoriae ratione sat sufficienti commotum, dispositionem istam emanasse. Ad fauorem filiarum respexit, et iis ^{fauor filiarum est ratio sanctionis.} legitimam ex feudo petendi, magis amplitur, quam restringatur. Contingere potest, allodium post comparationem feudi extans, minui, et obitu patris paruum adhuc superesse, vbi, si *Constit. ined.* partem bonorum in feudi comparationem impensam vocasset, quae legitimam laederet, saepius filiae legitima ex feudo petenda, carere necesse haberent, è contrario autem, dum *Constit.* in determinanda maxima bonorum parte in comparationem feudi impensa, ad quantitatem legitimae respectum non habet, filiabus crebrior data est occasio, legitimam ex feudo petendi. Rem exemplo illustrabo: Iauolenus pater quatuor liberorum in bonis habet 24000 Imper. 16000 Imper. impendit in feudum, post ipsius obitum parum allodii reperitur, filiae tunc, si maxima pars bonorum in comparationem feudi erogata vocaretur, quando pater quatuor vel plurium liberorum supra tres quartas erogauit, legitimam ex feudo non capiunt. *Constit. ined.* autem disponente, quod pater quatuor liberorum maximam partem bonorum in comparationem feudi erogasse dicatur, si supra dimidium bona impenderit, allato casu filiabus ius, legitimam ex feudo petendi, competit. Quod si mens *Constit. ined. II.* foret, vt in patre feudum, ex quo legitima petenda, comparante, fraus requireretur, non sine omni fundamento, ex tanta bonorum parte in comparationem feudi impensa, fraus colligi posset.

§. XXV.

Hinc Const. ined. II. et eam speciem feudi inofficiose quaesiti, ubi maxima pars in feudum oblata est, comprehendis;

Quum igitur *Const. ined. II.* maximam bonorum partem in comparationem feudi erogatam determinans, fauorem filiarum promouere allaborauerit, nullum est dubium, quin sub *Const. ined. II.* et casus, ubi v. c. Iauolenus pater quatuor liberorum supra dimidium, et tres liberos habens supra duas tertias bona in feudum obtulit, comprehendatur, quemadmodum enim et tunc termini feudi inofficiosi extant, ita requisitum feudi per emtionem in praeiudicium legitimae quaesiti, in fauore filiarum consistens, ad hanc quoque speciem trahendum.

casus autem, ubi maxima pars bonorum in feudum cuidam conceditur, ex Const. ined. II. non diiudicandus.

Aliud omnino asserendum, quando pater maximam partem bonorum, cuidam in feudum concedit, hunc casum *Const. ined. II.* suo ambitu non complectitur, licet enim et tunc fauor filiarum animaduersionem mereatur, tamen ratio, qua minutio legitimae in *Const.* occurrens, nititur, in fauore successorum feudalium fundata, cessat, qua cessante sanctio *Const.* extensionem non patitur. Tertia igitur species feudi inofficiose quaesiti, in Saxonia nostra ex iure Feudali communi iuxta ea, quae in §. *XXII.* tradita sunt, diiudicanda. Interim fauor, quo filiae hoc casu apud nos priuantur, alio compensatur, nempe legitima tunc non est minuta, sed talis, qualis iure communi praescripta

§. XXVI.

In originem bonorum, quae in feudi comparationem erogantur, frustra inquiritur,

Caeterum in originem bonorum, quae in comparationem feudi erogantur, inquirere, non necesse est, sed legitima ex feudo peti potest, licet pecunia ex alienatione feudi veteris acquisita, comparatur, vel praedium, quod antea et feudum vetus fuit, verum vel gratia Domini, vel eius refutatione, aut feloniam, a nexu feudali liberatum, de nouo in feudum offeratur, vel concedatur. Pretium ex feudo alienato acquisitum, et praedium, quod beneficium esse desiit, ad allodium omnino refertur, hinc utrobique non

Si pro pretio ex feudo antiquo redacto feudum ac-

ius feudale, sed civile applicandum. Ex hoc successio ^{te-}quiritur, ^{le-}gitima in utroque recte defenditur. Prono ^{aluo inde fluit,} aluo inde fluit, quod si pretium istud in praeiudicium legitimae impendatur, vel ex praedio allodiali feudum efficiatur, actus desuper gestus, omni ex parte validus non iudicandus, sed legitimae petendae termini apparent. Sunt ta- ^{Quidam ne-}men, qui autumant, feudo pro pecunia, ex feudi veteris ^{gant} alienatione veniente, comparato, legitimam peti haud posse. Rationes, quibus opinionem suam defendere student, sunt sequentes: 1) heredes, qui a tali feudo in totum ^{eorum ratio-}excluderentur, hoc eo minus aegre ferre possent, quo ^{nes}minus iustam querelam mouendi, ius habuissent, si feudum antiquum venditum non fuisset. 2) Feudum nouum tali ratione acquisitum, in locum feudi antiqui alienati surrogatum esset, hinc sciret naturam eius, in cuius locum surrogatum foret. 3) Vassallus feudum antiquum vendens, possideret quidem pretium pleno iure, sed ubi aliud feudum pro eo compareret, vel comparere studeret, non confunderet cum reliquis bonis, potius separatim teneret, nec vnquam illo animo possideret, ut heredes allodiales commodum successione consequerentur. Verum haec argumenta me non ^{confutatio} mouent, ut opinionem meam deferam, et alii accedam; dum ad 1) inter fundamenta persuasionum, et iuris, insigne intercedit discrimen. Repraesentatio, quod actu non ita contingente, nulli querelae locus esset, prioribus annumeratur, ius autem, quod ex actu semel acquisitum, minime labefactat. Axioma: surrogatum sapit naturam eius, in cuius locum surrogatur, saepius quidem ad 2) allegatur, sed non semper habito respectu ad genuinam ipsius indolem. Vicem surrogati non statim quaelibet res alterius loco posita, subit, sed tunc demum, quando vel lex, vel conventio rem succedentem surrogatum iudicat, quod autem eo casu; ubi pro pretio feudi veteris alienati, feudum emitur, cessat. Ius ad

ad 3) quod quis semel acquisiuit, solo animo non mutatur *l. 18. pr. ff. de A. vel A. P.* sed tamdiu idem manet, quod ab initio fuit, donec actus quidam interueniat. Propositum in mente retentum, nullum parit effectum *TIRAQUEL. in l. si vnquam verb. libertatis num. 19. C. de reuoc. donat. TVSCH. in Concl. pract. Tom. VI. concl. 919.* Pretium ex feudo veteri redactum, ad venditorem pleno iure spectat, quod ius, dum animum tenet, feudum iterum comparandi, nullam patitur mutationem, et nemo concurrit, qui ius quoddam in illo pretio, tali proposito venditoris apparente, acquireret. Potius pretium istud cum patrimonio reliquo venditoris confusum, et circa vnus domini bona, vnus, eiusdemque indolis et naturae, nulla separatio extra casum legis statuenda. Dein, si hoc vltimum argumentum suo valore constaret, inde necessario fluere, quod v. c. Iauoleno feudum vetus alienante, et animum aliud emendi fouente, verum sine expletione propositi decedente, filiae ipsius ex pretio inde redacto nihil caperent, sed hoc, in feudo alienato, si adhuc extaret, succedentibus, cederet, quod tamen sine violatione iuris analogiae admitti nequit, ideoque communiter a Dd. ⁴⁾ iuris feudalibus negatur. Interim iure nostro patrio per *Constitutionem II. §. in allen andern Fällén*, dispositum est, ex feudo pro pretio feudi veteris comparato, legitimam non deberi. En igitur casus, vbi lex rem succedentem pro surrogato iudicat.

§. XXVII.

Quaestio: an si conuentione pretio ex alienatione feudi

Hac occasione quaestio merito ventilatur, si conuentione pretio ex alienatione feudi acquisito, natura feudi tribuatur, an filiae, parentes paciscentis, legitimam inde petere queant?

- a) *COLER. p. 2. decis. 283. GAIL. de pignorat. obseru. II. MODEST. PISTOR. Vol. 1. consil. 2. n. 308. VVLTEL. de feud. lib. 1. cap. 5. n. 10. CARPZOV. p. III. Conf. XXX. defin. 1.*

queant? Per casus decisio suppeditanda. Dum Vassallus feudo alienare cupiens, cum agnatis, vel simultanee inuestitis, qui alias consentire reculant, pactum in init, ut pecunia ex feudo redacta, qualitatem feudi in tantum retineat, ut Vassallus sine descendantibus masculis decedente, in ipsa, vti in feudo, agnati, vel simultanee inuestiti succedant, filiae, vel parentes Vassalli tali modo paciscentis, ista ex pecuniae summa nullam legitimam petere possunt, quia idem est, ac si feudo alienatum extaret, quum in eius locum pretium valide surrogatum fuerit. Huic sententiae accedit *Const. El. XXX. p. III.* heredes allodiales ad praestationem interesse compellens, quod *CARPZOV.* ad istam *Constit. defn. VIII.* de exsolutione pecuniae natura feudi donatae, recte explicat. Neque obstat, quod ibi et consensus Domini in tale pactum requiratur, siquidem hoc verum, si ista quantitas in respectu ad Dominum pro feudo habenda, hoc autem cessante, pactum, pecuniam ex feudo redactam, ad solos successores feudales transmittens, et heredes allodiales excludens, consensu Domini non munitum, validum est. *HORN. in Iurispr. feud.*

Cap. IV. §. XXVI. Succedit alius casus, vbi feudo rite alienato, et pretio inde sine omni conditione redacto, venditor ex post facto cum agnatis, vel simultanee inuestitis conventionem celebrat, ut ipso sine descendantibus masculis ob-eunte, in illo pretio, seu feudo succedant. Tunc omnia locum sibi vindicant, quae supra prolata sunt, vbi quis maximam bonorum partem in feudum impendit, hinc termini legitimae petendae omnino adfunt; attamen ad hunc casum *Const. ined. II.* non trahenda, quum simultanee inuestiti in pecuniae summa succedentes, eum fauorem vrgere non possint, quo *Constit. successores feudi dignos iudicat conf. §. XXV. ined. II.* non trabendus.

§. XXVIII.

Regulae boni ordinis exigunt, ut personas nunc delinquentem, quibus, legitimam ex feudo petendi, ius competit.

*feudo petere
possunt.*

Tres classes legitimam petere valentium, in iure communi reperiuntur, Descendentes, et Ascendentes simpliciter, Collaterales autem certa ratione, legitimam petendi, gaudent iure. *l. 27. C. de inoffic. testam.* De his omnibus in subsequen- tibus agam, demonstraturus, in quantum ipsis permissum sit, legi-

*Filiae potissi-
mam ex feudo
petunt le-
gitimam.*

timam ex feudo petere. Sub descendentes equidem regulariter filias intelligo, filii enim non opus habent hoc remedio extraordinario, quippe iure succedendi in feudo satis tuti sunt. Interim et contingere potest, ubi filiis ad legitimam ex feudo petendam confugere, necesse est, videlicet, si pater maximam bonorum partem in feudum alicui concessit, et post ipsius obitum filiis legitima salva non est, ubi filii cum filiabus aequali utuntur iure. Quando autem pater feudum relinquens, filium solum in legitima heredem fecit, vel feudum refutavit, filiorum ius est diuersum. Filiabus igitur, sub quibus et reliquas descendentes foeminas comprehendo, magis doctrina legitimae ex feudo petendae prospicitur, iis enim ius in feudo succedendi non datum, unde auxilium in legitima exinde petenda, quaerere debent. Neque obici- cies, quod feudum a patre relictum, partem hereditatis constituat *II. F. 45.* itaque filiae in feudo paterno, uti in reli- quis bonis succedere valeat, neque confugio subsidiario legiti- mae opus sit, siquidem assertio ista filios tantum, minime verò filias tangit. Harum respectu habito feudum et allo- dium sunt separata, et distincta. Caeterum parum refert, an filiae legitimam ex feudo petentes, in matrimonio sint natae,

*Licet per sub-
sequens ma-
trimonium, vel
Rescriptum
Principis legi-
timatae, vel
per adoptio-
nem quaesitae
sint.*

an per subsequens matrimonium, vel per Rescriptum Prin- cipis ad effectum successionis legitimatae, vel per adoptionem quaesitae, omnibus ius succedendi est concessum, hinc et gaudent potestate, legitimam ex feudo petendi. Pariter non ad rem facit, an filiae tempore feudi inofficiose quaesiti lu- cem iam adspexerint, an demum postea, his enim Imperatores *DIOCLET. et MAXIM.* in *l. 5. C. de inoffic. donat.* in-

rui-
tuit

tuitu donationum immensarum prospexerunt, siquidem liberi nascituri pro natis habentur, quoties de eorum commodo agitur, *arg. §. 2. et §. I. de Heredit. quae ab intest. defer.*

§. XXIX.

Liberis illegitimis non competit successio in bona pa-
 tris *auth. licet C. de natur. lib.* hinc nec legitima in genere, *Liberi illegitimi ex feudo non petunt*
 multo minus ex feudo debetur. Secus est, si mater maxi-
 mam bonorum partem in feudum erogauerit, et filiam na-
 turalem, vel spuriam relinquat, huic iura potestatem, in bo-
 nis matris succedendi, tribuunt *§. 3. I. de Scit. Orphit.* nisi mater ma-
 ximam bonorum partem in
 actionem inofficiosi testamenti *l. 29. §. 1. ff. d. inoffic. testam.* *illud erogauit.*
 unde nec legitima deneganda. Assertioni isti et locus dan-
 dus, si mater maximam bonorum partem in comparisonem
 feudi impendat, et filium naturalem, spuriumue progignat,
 hic ad feudum non admittitur *II. F. 26. §. naturales Ius Feudal. Saxonie. comm. c. 2.* quare ad legitimam recte confugit.

§. XXX.

Ad alteram classem personarum legitimam ex feudo pe-
 tere valentium, me nunc conuerto. Quod si filius, vel filia
 maximam bonorum partem in comparisonem feudi impen-
 derit, vel in feudum obtulerit, aut concesserit, et sine here-
 dibus descendantibus obierit, superstitibus parentibus legiti-
 ma ex feudo competit. *Ascendentes ex feudo petunt legitimam.*
 Qua ratione parentes, mortalitatis ordine turbato, succedunt, ea et legitimam ex feudo obtinent;
 hinc superfluum foret, hac in re pluribus verbis commemorari.
 Haec tamen quaestio ex iure patrio hic decidenda erit, quo-
 usque a filio, filiaue, maxima pars bonorum, in comparationem
 feudi, unde parentes legitimam petunt, censeatur erogata?
 Parentes secundum lineas succedunt, proinde successio
 ascendentium duas portiones non transgreditur *Nou. CXVIII. c. II. vers. si autem eundem habeant gradum,* nequidem tunc
 moribus, quando cum parentibus defuncti fratres, et sorores
 bilaterales concurrunt, quippe qui Iure Germanico a
 parentibus

Const. ined. II. ad legitimam ascendentium ex feudo petendam recte applicatur.

parentibus excluduntur. *I. P. S. lib. I. Art. 17.* Hinc concilio, quod ascendentes in successione duas personas repraesentent. Applicans igitur ex *Constit. ined. II. §. in allen andern Fällén*, qui ad legitimam filiarum requirit, ut patres, vel pauciores liberos habens, supra duas tertias in comparationem feudi erogauerit, assero, quod si in Saxonia ascendentes ex feudo legitimam petant, necesse esse, filium, filiamue plus, duabus tertiis patrimonii in feudum impendisse. Iura liberorum et parentum iudicantur reciproca, ideoque quicquid in *Const. ined. II.* iuxta supra tradita, de legitima liberorum ex feudo petenda, dispositum, recte autumo, et locum habere circa legitimam parentum ex feudo obtinendam.

§. XXXI.

Fratribus germanis, et consanguineis etiam legitima ex feudo debetur.

Sequitur ultima classis legitimam ex feudo petentium, quam occupant fratres germani, et consanguinei, sororibus inclusis. Quemadmodum autem iure communi collateralibus legitima non simpliciter debetur, sed si vel infamiae, vel turpitudinis, vel levis notae macula adspersa persona, ipsis praefertur. *l. 27. C. de inoffic. testam.* ita restrictio ista et huius loci est *arg. II. F. I.* Casus itaque inuestigandi erunt, ubi collateralibus ex feudo legitimam petendi, ius competit. In genere requiritur, fratrem, vel sororem, post cuius obitum, ipsius collaterales primi gradus, legitimam ex feudo quaerunt, nullis proximioribus successoribus relictis, decedere, et maximam partem bonorum partem in feudum erogasse. Maxima pars bonorum hic eadem ratione consideratur, ut supra, ubi de legitima liberorum et parentum iure Feudali communi debita, actum fuit, siquidem et augmentum legitimae ad fratres spectat, quippe quod *Nou. XVIII. c. 1. in fin.* ad omnes personas extenditur, quibus olim quarta assignata fuit, adeoque et ad fratres. Quod iure patrio pariter statuendum, *Const. ined. II.* enim delineat tantum legitimam liberorum, et vi consequentiae parentum ex feudo petendam, ne ver-
bulo

*maxima pars bonorum hic eadem ratione in feudum debet esse impen-
sa, quam ubi liberi et parentes legitimam inde petant.
Legitimam collateralium*

bulo autem mentionem collateralium iniiciens, proinde dispositio huius *Constit.* contra mentem Legislatoris ad collaterales extensionem non patitur. In Saxonia itaque Electorali legitima collateralium acquisitione, aut constitutione feudi laesa vocatur, si quinque vel pluribus fratribus extantibus, plus medietate patrimonii, at quatuor vel paucioribus concurrentibus, plus duabus tertiis, absorbet feudum.

§. XXXII.

Speciatim autem ad legitimam collateralium ex feudo obtinendam requiritur, ut feudum, ex quo legitima petitur, penes personam infamia, turpitudine, aut levis notae macula laborantem post obitum fratris, vel sororis, voluntate defuncti reperiatur. In formando eiusmodi personae conceptu, satis iam noto, non morabor, potius casibus demonstrandis, ubi feudum ad personam turpem peruenit, studebo. Si frater maculatae personae maximam suorum bonorum partem in feudum concesserit, post obitum ipsius superstites fratres et sorores legitimam inde iure suo petunt. Quod et verum, si frater maximam bonorum partem maculatae personae in feudum obtulerit, et ad eam, falso sine successoribus feudalibus decedente, feudum reuertatur, vel feudum comparauerit, quod a persona maculata recognoscitur, et ad hanc post mortem Vassalli redit. Priores casus satis perspicui, nec difficultatibus obnoxii sunt, circa ultimum autem explanatione quadam opus erit, quum statim non appareat, qua ratione feudum voluntate fratris, post huius mortem ad Dominum directum, personam maculatam transeat. Dum confidero, quod frater scienter cum persona maculata societatem feudalem in praeiudicium legitimae ineat, et compertum habeat, feudum cum laesione legitimae comparatum, aliquando personae maculatae cedere, hocque euitare potuisset, assertio, facto patris feudum ad personam maculatam peruenisse, indeque redditum,

feudi ad dominum inofficiosum putandum, rescidendumque esse, firmo stat talo. Do instantiam egregie ad rem facientem. Frater immensa liberalitate bona sua in personam honestam transfert adiecta lege, ut post obitum huius, redeant ad personam turpem. Casu contingente, ubi viuo donatore, persona turpis hoc lucrum capit, nullum est dubium, quin post mortem donatoris, eius fratres legitimam petendi, iure gaudeant. Quo ipso simul euincitur, legitimam ex feudo collateralibus non deberi, si fratre feudum, quod a persona maculata recognoscitur, comparante, defuncto, istud ad simultanee inuestitum, et hoc decedente, ad Dominum, personam maculatam, deuoluatur; actus inofficiosi tempore mortis eius, ex cuius bonis legitima petitur, existere debent, dum autem tunc validi sunt, postea infringi nequeunt.

§. XXXIII.

Collaterales ex feudo legitimam petunt, si persona maculata coniunctam manum impetrauerit.

Casibus quidem commemoratis, ubi collaterales legitimam ex feudo petere valent, adhuc alius annumerari posset, si persona maculata feudo fratris inofficiose quaesito, una inuestiretur, simultanee inuestitus enim Vasallo sine descendentibus defuncto, successionem in feudo affectat, et collaterales excludere cupit, ut hi ad querelam inofficiosi confugere, necessum habeant. Verum Magnific. B A V E R. in *Diff. cit.* §. X. recte monet, quis Dominus directus concedat beneficium simultaneae inuestiturae, qui non potest honeste stare in Curia ipsius, nisi feudum maxime vile concedatur, v. c. carnicum feudum Caviller-Lehen, Hencker-Lehen, Abdecker-Lehen, *) et excorior vi simultaneae

quod tantum circa feudum vile fieri solent.

a) B. de Ludewig in *Iur. Feudor. Roman. Imper. atque German. Princip. c. VII. §. XV. p. m. 424.* communicat literas clientelares de feudo carnicum in Ducatu Magdeburgico conceptas huius tenoris: Wir Friedrich Wilhelm, König in Preussen
u. s. w.

rae inuestiturae, Vasallo improle decedente, in feudo succedat.

§. XXXIV.

Fratrum liberi autem, et vterini nunquam legitimam ex feudo petunt, quum haec in *l. 27. C. de inoffic. testam.* fratribus germanis tantum et consanguineis tribuatur, vterinis ^{Fratrū liberī et vterinī} legitima ex feudo petunt. ^{nūquam legitimā ex feudo petunt.} Neque dubium inde desumptum, victoriam ^{victoria fratri germani} fratris germani, praedefuncti fratris filiis, vel consanguinei ^{praedefuncti fratris filiis,} vterinis prodesse *l. 6. §. 1. ff. de inoffic. testam.* de COCCII ^{vel consanguinei vterinis intuitu legitimae ex feudo petendae non prodest.} in iure Controu. Lib. V. Tit. II. qu. XV. BERGER. in Oecon. iur. Lib. II. Tit. IV. §. XVII. not. 11. qui vna de usu fori hanc thesin approbante, testatur, consideratione dignum, sententia enim, qua nititur, supponit testamentum, quod germanus, aut consanguineus vt inofficiosum impugnat, et victoriam reportat, qua consecuta et testamento rescisso,

causa

u. s. w. Nachdem bey uns der Nachrichter N. Ansuchung gethan, ihm die erhandelte Meisterey und Abdeckerey zu confirmiren: als verleihen trafft dieses Briefs ihm und seinen männlichen und weiblichen Leibeserben erb- und eigenthümlich das Nachrichter-Amte und die Abdeckerey (in nach benamhten orten) alle nachrichtertliche Verrichtungen, als peinlichen Verhören, enthaupften, stranguliren, auf das Rad zu legen, auszustreichen, brennen, und dergleichen zu verrichten, und alles und jedes kleines und großes Vieh, wenn es absterbet, oder unrein befunden wird, durch seine Leute wegholen, abdecken, und wegschleppen zu lassen, und die Haut ohne Entgeld zu seinen Nutzen zu behalten, darinnen ihnen bey Straffe zwey Wispel Haber, niemand zu beeinträchtigen; dahingegen dem Forst-Amst jährlich 40 Rthr. Hunde-Gelder abzutragen. Wie auch unsern Beamten und Dienern die gewöhnlichen Handschuhe zu liefern. Auch bey ereigneten Sterbefall die gehörige Lehn-Wahre zu erlegen. Auch da wir in diesen district Wolfsgarten, Fuchsfernungen anlegen lassen mögten, solche mit Luder zu versehen, zu Urkund haben wir dieses besiegeln, und von unsern Ober-Jäger-Meister unterschreiben lassen. Berlin den 28. Aug. 1727. S. v. und zu Hertinsfeld.

causa intestati fit, vbi de legitima amplius non est sermo, sed ad hereditatem ab intestato relictam, iure ciuili cum germanis, germanorum liberi, et consanguineis, vterini omnino concurrunt. In praesenti autem de legitima sola ex feudo obtinenda, solliciti sumus, intuitu cuius et actus, quo feudum inofficiose acquisitum, vel constitutum, vnice rescinditur, caeterum ratus, validusque manet, quare hic talis successio ab intestato, vti testamento inofficioso rescisso, nonprehenditur.

§. XXXV.

A successoribus in feudo inofficiose quaesito,

itaque a filiis,

simultaneis in-
testatis,

imo Domino ipso legitima petitur

legitima debitis feudalibus annumeratur.

Personas legitimam ex feudo petere valentes, excipiunt personae, a quibus petitur. Sunt autem potissimum successores in feudo inofficiose quaesito; et parum refert, an iure sanguinis, an pacto succedant. Vnde si parens maximam bonorum partem in comparisonem feudi erogauerit, idque obitu suo ad descendentes masculos transmittat, ab his filiae legitimam recte petunt. Quemadmodum et filio, filiae feudum inofficiose acquirente, idque ad simultaneas inuestitos post mortem transmittente, parentes a successione exclusi, simultaneas inuestitos iure adeunt, vt legitimam praestent. Imo si feudum inofficiose quaesitum post mortem Vasalli ad Dominum redeat, filiae, vel parentes defuncti ab ipso Domino petunt legitimam, quippe annumeratur debitis feudalibus, quae talia fiunt ob fauorem causae. vid. *Principia nostra Sur. Feud. Cap. X. §. XXXII.* vnde et successores singulares ea subire debent. Pariter si Vasallus feudum inofficiose quaesitum Domino refutauerit, hic post obitum refutantis filiabus aut parentibus, legitimam ex feudo praestare obstrictus. Rescissa enim acquisitione feudi ob praedictum legitimae contractum, nec refutatio ad illam se referens, subsistere potest, cui et inter donationes inofficiosas non sine fundamento locus tribuitur.

XXXVI.

Ad quem feudum inofficiose quaesitum

Quid iuris vero si feudum, in cuius comparisonem maxima pars bonorum ab acquirente impensa, per feloniam amittatur,

amittatur, et ad Dominum, vel simultanee inuestitos redeat? Ad ^{ob feloniam} possessorem feudi onus legitimae spectat. Acquisitioni feudi ^{Vasalli redit, legitimam} cohaeret vitium, eius rescissionem efficiens. Quotiescunque igitur ^{praeferre, ob-} transmissio feudi ad acquisitionem ita se refert, ut ista sine hac ^{strictus est.} contingere non potuerit, certaue ratione inde deriuetur, toties vitium, indeque promanans onus feudum comitatur, nec ab eius transmissione separari potest. Subsumo, dum feudum ex capite feloniae, Domino, simultanee inuestito cedit, ad acquisitionem feudi a Vasallo feloniam committente factam, ita respicitur, ut ea omissa feudum nunquam ex capite feloniae ad Dominum, simultanee inuestitum deuolui potuisset. Ergo transmissio ista feudi vitio, hincque fluenti oneri, cum quo acquisitio connexa erat, subiaceret, et vi consequentiae cum ipsa acquisitione rescissioni obnoxia. Inde vero non sequitur, quod feudum inofficiose quaesitum bona fide, pretio interueniente comparans, legitimam praestare teneatur. Ad eum onera tantum realia transeunt, quibus praestatio legitimae non annumeratur. Dein inter hunc, ^{non autem, qui feudum inofficiose quaesitum b.f. comparauit.} et in principio §. commemoratum casum insignis intercedit diuersitatis ratio, hic vitium acquisitionis transitorium defendens, illic autem negans; videlicet ad emptorem non transit feudum facto venditoris, sed Domini, inuestitura puta II. F. 1. in fin. unde emptor venditorem non repraesentat, neque facta eius circa acquisitionem feudi perpetrata, quatenus iure reali non munita, praestat. Refutatio autem, vel feloniam in facto Vasalli se fundat, hinc ille, ad quem feudum inde venit, rationi acquisitionis contradicere nequit. Aliud sentiendum, si defunctus Vasallus feudum pro viliori pretio in praeiudicium legitimae alienauerit, tunc siue feudum inofficiose, siue iusto modo comparatum fuerit, quod immoderate gestum est, apprime reuocandum videtur, ad exemplum actionis Fauianae et Caluissianae BAVER. in Dissert. alleg. §. XXIII. ideoque emptor ad praestandam legitimam conuenitur.

§. XXXVII.

Caeterum et legitima ab eo, qui feudum non amplius ^{Ad quem semel feudum inofficiose} possidet, recte petitur. Filius nempe, simultanee inuestitus, Do-

*quaesitum
peruentum,
onus legitimae
detrectare
haud potest,
licet feudum
amplius non
possideat.*

minus feudum inofficiose quaesitum capiens, illud iterum alienat; qui bona fide feudum comparat, iuxta iam tradita, nihil metue-
re debet. Quum autem filius, simultanee inuestitus, Dominus,
dum feudum inofficiose quaesitum, lucrati sunt, ad praestationem
legitimae se obstrinxerunt, desinens possessio exceptionem fun-
datam haud praebet, potissimum quum pretium ex feudo aliena-
to redactum, pro parte, qua acquisitio et transmissio feudi non
subsistit, sine causa possideatur. Cum quo casu et is conuenit,
vbi Parens maximam bonorum partem in feudum cuidam con-
cessit, qui feudum alienauit, tunc non praefens possessor, sed feu-
dum inofficiose acquirens, ad legitimam praestandam compellitur.

§. XXXVIII.

*Legitima ex
feudo petenda
iure feudali
communi tan-
ta est,
quanta in la-
ciuili occur-
rit.*

*In Sax. El.
est minuta,*

*etiam ratione
ascenden-
tium, neutri-
quam vero
collateralium*

De quantitate et computatione legitimae ex feudo petendae
nunc verba facienda. Ius Feudale Commune, et Electorale Saxo-
nicum, hac in re quodammodo separanda veniunt. Illud hic
additamentum ex iure Ciuili capit, quum dispositio Iuris bene-
ficiarii, legitimam delineans non extet. Satis autem iam notum,
quanta sit legitima in iure Iustiniano, hinc superfluum puto, tri-
tissima principia apponere. A sanctione ista recedit Ius Patrium,
legitimam in *Const. ined. II. §. iedoch soll alsdann* ex feudo pe-
tendam ita minuens, vt quartam partem legitimae assignet, si libe-
rorum sint tres, vel pauciores, tertiam autem, quatuor vel pluribus
concurrentibus. Huius dispositionis extensionem §. XXX. ad
parentes iamiam defendimus, in §. subsequenti autem collaterales
exemimus. Inde in Saxonia nostra casu contingente, vbi colla-
terales legitimam ex feudo petunt, quantitas in iure communi
praescripta, ad applicationem trahenda. Nec nocet, hac ra-
tione legitimam collateralium iure patrio superare, legitimam
liberorum, et parentum ex feudo petendam, ratios enim, vti
iam demonstratum fuit, sunt termini habiles legitimae ex feudo
collateralibus, debitae, quare Legislator Saxo ad casum raro contin-
gentem non respexit, eum dispositioni iuris communis subiiciens.

*Rationem le-
gitimae in Sa-
xonia minu-*

*Rationem legitimae in Const. ined. II. minutae CARPZOV. in
Dissert. de oneribus Vasalli feudalibus Decad. III. posit. VI. ta-*

lem

lem suppeditat: *fauorabile*, inquit, *autem quantumuis est filia-^{tae}*, *fauor suc-*
bus onus hoc feudale, attamen certo rursus temperamento ita qua- *cessorum in*
lificatum existit, vt dignoscere facillimum sit, serenissimum legisla- *feudo com-*
tozem fauore, sexus muliebris se non vinci passum fuisse, quin et- *monstrat.*
iam agnatis et simultanee inuestitis prospectum voluerit. Ex qua *binc si maxi-*
 ratione merito concludo, quod si parens, filius, vel filia, maximam *ma pars bo-*
 bonorum partem in feudum concedat, vel refutationem bene- *norum in feu-*
 ficij suscipiat; aut feloniam ipsius feudum ad simultanee inuestitos, *dum concessa,*
 Dominum redeat, legitima non sit minuta, sed semis vel triens *vel refutatio*
 iuxta numerum istam petentium; quod et verum, si pretio ex *feudi suscepta*
 feudo antiquo redacto, per conuentionem natura feudi tributa, *fuert, aut fe-*
 itaque filiae, vel parentes ad legitimam confugere, necessum ha- *lonia feudum*
 bent, his enim casibus ratio adducta applicatione caret. Pariter *ad Dominum*
 filiorum legitima ex feudo peculiaribus casibus petenda, quod *reuersum, le-*
 fieri solet, dum pater filium in legitima tantum heredem fecit, *gitima in Sa-*
 vel feudum refutauit Domino alique vid. §. XI. in Saxonia *xoniam non mi-*
 detrimentum passa non est, cessante enim ratione legis, cessat *nuta est.*
 dispositio. *quod et verum*
si filii peculia-
ribus casibus
legitimam ex
feudo petant.

§. XXXIX.

Licet autem quantitas legitimae ex feudo petendae, alia *De computa-*
 erat iure Feudali communi, alia iure Saxonico Electorali, *tione legiti-*
 computatio tamen ipsius conspirat, summa in comparisonem feudi *mae agitur,*
 impensa, vel aestimatio praedii in feudum oblata, vel concessi,
 cum allodio post mortem eius, qui feudum in praedictum, le-
 gitimae acquisiuit, vel constituit, extans, in vnā redigitur mas-
 sam, indeque postea quantitas legitimae determinatur. Per ex-*exemplum*
 emplum res fit clarior: Iauolenus pater vnus filii, et trium filia-*proponitur*
 rum, 60000. Imperiales possidens, comparat feudum pro 50000.
 Imper. post ipsius obitum extat allodium 10000. Imper. quod
 neque iure Feudali communi, neque Patrio, legitimae filiabus
 debitae sufficit, hinc quod deest, ex feudo supplendum. Legi-
 tima igitur est triens vtroque iure, siue 20000. Imper. Qua sum-
 ma in quatuor partes diuisa, vna portio est 5000. Imper. ideo-
 que filius totum allodium filiabus relinquens, ex feudo adhuc

5000. Imper. vt supplementum legitimæ præstare, obstringitur. Quod exemplum et illustrationi inferuit, Iauoleno prædium 50000. Imper. constans, in feudum offerente, aut concedente. Sicuti igitur quantitas in feudum conuersa, vel aestimatio rei in feudum oblatae, aut concessæ, in computationem legitimæ venit; ita legitima nec augetur, nec minuitur, si feudum inofficiose quaesitum, tempore defuncti feudum acquirentis, vel constituentis pluris, vel minoris valeat. Cuius rei hæc videtur esse ratio: acquisitione aut constitutione feudi præiudicium legitimæ inferitur, hinc eatenus, quatenus legitimæ præiudicat, non subsistit; quare in rescissione ipsius ad tempus, quo legitimæ præiudicium illatum, respicitur, ideoque etiam secundum illud tempus aestimatio prædii in feudum oblati, aut concessi, vel quantitas in emtionem feudi erogata, consideratur. Eius, a quo legitima ex feudo petitur, commodum est, si aestimatio feudi creuerit, hinc nec incommodum recusare potest, si decreuerit. *l. 10. ff. de R. I.* Neque obstat, quod quantitas legitimæ mortis demum tempore iudicetur, siquidem inde non fluit, quod ex quantitate patrimonii, vti tempore mortis se habet, legitima semper constituatur; potius expediti iuris, actibus in præiudicium legitimæ gestis, in computationem venire, quod antea in bonis fuit *Nou. XCII. c. 1. verb. in tantum autem aucta quantitate* LAVTERBACH. in *Disp. de inoffic. donat. §. XXVII.*

§. XL.

Feudo pro pecunia comparato, et certa pecuniæ summa legitimæ assignatur,

Si pro pecunia feudum acquisitum, minus dubii habet, quod non pars feudi inde comparati, sed certa pecuniæ summa legitimæ assignetur, quum res tunc haud distracta, sed quantitas pecuniaria principaliter in præiudicium legitimæ erogata. Re autem alteri inofficioso modo in feudum oblata, cum Magnifico BAVERO in *Disp.* sæpius commemorata §. XXV. statui-

re autem in feudum oblata, legitima in parte prædii præstanda.

mus, quod, siue feudum post mortem Vasalli in præiudicium legitimæ constituentis, ad alium successorem feudalem, siue ad Dominum reuertatur, heredi allodiali in parte prædii legitimæ præstanda, siquidem negotium feudale utroque casu pro parte legitimæ

legitimae laesae rescinditur; ipsa res in praeiudicium legitimae distracta, hinc neuter declinare potest, quo minus ipsa res legitimae cedat. Quod multo magis tunc statuendum, si cuidam praedium ut feudum concessum. *quod et verum si cuidam praedium in modo feudum a Domino acquisiuit, sed non pecuniam, verum feudum concessum.* aliam rem allodiam, puta speciem Domino dedit, Magnificus cessum.

BAVER c. l. mediante distinctione, an sc. querela contra successorem in feudo moueatur, an contra Dominum, ita decidit, ut priori casu actor, qui non potest non praevidere, ipsam rem allodiam, à defuncto alienatam penes eum non existere, haud dubie praestationem pecuniariae quantitatis petat, posteriori vero interfit; an res pro feudo data, adhuc penes Dominum existat, atque hanc, quum principale obiectum negotii inofficiosi fuerit, pro parte reuocare, integrum foret; an vero non amplius existat, et nihil prohibeat, quo minus actor aestimationem desideret. *Quando autem a Domino pro re allodiali specie feudum comparatum, interdum praestatione pecuniariae quantitatis, interdum pars ipsius rei petitur.*

§. XLI.

Quemadmodum autem iure Ciuili legitima computatur, Collatio et circollatis iis, quae liberi a parentibus viuus acceperunt, l. 17. C. de collat. ita et hoc verum, si ex feudo legitima petatur, quod pariter et ius Saxon. Electorale in *Constit. ined. II. §. in alieni sibi vindicat.*

Jällen statuit. Quum verò liberi tantum sibi inuicem conferre teneantur, l. ult. C. comm. utriusque iud. l. 17. C. de collat. Nou. inter XVIII. c. 6. onus collationis cessat, si parentes, vel collaterales ex feudo petant legitimam. *inter ascendentes et collaterales cessat.*

§. XLII.

Superest, ut de remedio, quo legitima ex feudo hactenus delineata, petitur, agatur. Actio eum in finem instituenda, est personalis fluens ex inofficiosa feudi acquisitione, vel constitutione, et ad exemplum querelae inofficiosae donationis, moribus inuenta, unde nullum inuenio dubium, cur non querelae inofficiosae feudi acquisitionis, aut constitutionis, nomine insigniri queat. Ad fundamentum ipsius requiritur, ut actor exprimat se defuncti feudum inofficiose acquirentis aut constituentis, hec et querela inofficiosae feudi acquisitionis, aut constitutionis vocari potest, redem

fundamentum ex parte actoris,
et rei commemoratur,
pariter et petitum.
hac actione non utitur filius, si pecuniaribus casibus legitimam petit.

redem esse, et quidem talem, cui legitima debetur, numeri hereditatis mentio iniicienda, acquisitio, vel concessio feudi cum praedictio legitima connexa, commemoranda, quantitas allodii, tempore mortis defuncti extans, addenda, indeque promanans laesio legitima alleganda. Dein ex parte rei asserendum, ad ipsum feudum inofficiose quaesitum, tali modo peruentum esse, ut rescissionem negotii inofficiosi pati debeat. Tandem vel tota legitima, vel eius supplementum, et quidem pro re nata, vel in nummis, vel in parte praedicti petitur. Hac delineata actione et filius recte utitur, si pater maximam partem bonorum in feudum cuiusdam concesserit, patre vero filium in legitima solum heredem faciente, vel feudum in praedictum legitima filio debitae, refutante, aliter omnino agendum.

§. XLIII.

Patrimonio post feudum inofficiose quaesitum, aucto, nulla legitima ex feudo debetur.

Ut promissi mei rationem habeam, circa finem Dissertationis, casus demonstrandi erunt, ubi legitima ex feudo inofficiose quaesito, peti nequit. Inter eos hunc non refero, quando post feudum inofficiose quaesitum, patrimonium eius, ex cuius bonis legitima aliquando debetur, auctum fuit, v. c. Iavolenus pater quatuor liberorum, 50000. Imperial. in comparisonem feudi impendit, retinens 10000. Imper. tanquam allodium. Ante obitum acquirit adhuc 10000. Imper. hinc mortuo eo adest allodium 20000. Imper. laesio legitima amplius non apparet, ideoque nec feudum inofficiose quaesitum. Euentus potissimum respiciendus, quem quantitas allodii, tempore mortis extans; demonstrat. Dubium inde emergit, quod semel comparatione feudi legitima laesa, proinde accessio patrimonio postea contingens, laesionem non reparat, sed augmentum legitima efficiat. Exemplo igitur allato 70000. Imper. summam constituere, unde legitima iudicanda, itaque haec in quantitate 23333. Imp. et octo grossis consistere, et vi consequentiae ex feudo adhuc in supplementum legitima 3333. Imper. octo grossos, deberi videtur. Verum enim vero, dum in actum inofficiosum inquirendum, duo tempora coniungenda, actus gesti sc. et mortis defuncti, qui legitimam relinquere, obstrictus est. Quo facto elucescit, an laesio legitima contigerit. Non enim simpliciter consideranda legitima iuxta vires patrimonii, prout hoc se exeruit tempore actus inofficiose celebrati, siquidem viventis non est hereditas

hereditas, sed ad tempus mortis necessario respiciendum, et animaduertendum, an actus antea susceptus laesionem legitimae inuoluat? Non ex qualibet parte patrimonii legitima debetur, sed ex toto patrimonio, hinc noua accessio post feudum inofficiose quaesitum, non prius in computationem venit, quam si totius patrimonii respectus habendus, id, quod post obitum fieri debet.

§. XLIV.

Meliori igitur iure contrariis legitimae ex feudo petendae, *Agnitio acquisitionis, vel concessionis feudi in praedictum legiti-* annuncratur, si is, qui legitimam petere valet, acquisitionem, *mae tendentem* vel concessionem feudi in praedictum legitimam tendentem agnouerit *L. 6. ibi: si voluntatem eius non agnouisti C. de inoffic. iudicium legi-* *donat. et vnum, idemque est, siue agnitio viuo feudum inofficiose timae tenden-* acquirentem, aut constituentem siue mortuo facta fuerit, quod enim *is, ius petendi legitimam* quis semel agnouit, illud postea reuocare nequit *l. 4. C. de non tollit.* *num. pec. l. 9. ff. de negot. gest.* An vero termini agnitionis defendendi, si filius circa feudum inofficiose quaesitum, patri inter *Talis agnitio autem non statuenda quando pater circa* simultanee inuestiendos locum tribuerit, et hic coniunctam manum impetrauerit, eiusque renouationem post obitum filii petierit? Vitium acquisitionem feudi comitans, iuri, quod Vassallus in feudo acquirit, impedimento non est, vnde et ius in feudo inofficiose quaesito Vassallo competens, in se spectatum nulli vitio obnoxium, nec ab alterius feudi iure differt. Ex iure Vassallus inuestituram impetrat, eiusque renouationem petit. *falli dimanat ius simultanee inuestituri, et ad illud se refert, hinc simultanee inuestitus, dum ius suum viuo et mortuo Vassallo persequitur, huius ius ratum quidem, et stabile agnoscit, verum quatile vitium Vassallus feudum acquirens, contraxerit, illius simultanee inuestitus rationem non habet, nec ipsum tangit. Ex quibus praemissis conclusio nunc fluit, quod pater coniunctam manum circa feudum inofficiose quaesitum, impetrans, vel eius renouationem mutatione in manu seruiente contingente, petens, agnitionem acquisitionis feudi inofficiose factae, minime suscipiat. Neque haec animaduersio superflua eo censenda, quum parens simultanee inuestitus post obitum filii Vassalli improlis ex coniuncta manu toto in feudo succedat, itaque suapte legitima cessaret, pater enim simultanee inuestitus non semper filio sine descendens defuncto succedit, fieri potest, patri alium simultanee inuestitum, in ordine succedendi praelatum esse. Vnde casus omnino concipiendus, vbi successio in feudo post obitum filii,*

filiis, ad patrem simultanee inuestitum non statim deuoluitur, adeoque termini habiles legitimæ ex feudo petendæ, adfunt.

§. XLV.

Ob ingratitudinem cessat legitima ex feudo petenda.

Heredi legitimam ex feudo petenti, talis ingratitudo, ob quam exheredari potuisset, recte obiicitur *Nou. XCII. cap. I. §. 1.* legum auxilia minus apte inuocat, qui contra illarum præcepta peccauit *l. 37. in fin. de mimor.* et male meritis publice, ut exemplo aliis ad deterrenda maleficia sit, etiam egestate laborare debet, ait TRYPHONINVS *l. 31. pr. ff. deposit.* Et licet posteriori iure in *Nou. CXV. c. III. et IV.* extante, dispositum sit, ingratos non tantum expresse exheredandos, verum etiam causam ingratitudinis in testamento exprimendam esse, tamen, quæ in *Nou.* posteriori de testamento specificè sancita fuerunt, non trahi possunt ad actus inter viuos, veluti donationem, acquisitionem, concessionem feudi, per quam ingratus a legitima exclusus videtur. Atque ius nouum et correctorium, quod in *cit. Nou. CXV.* reperitur, eo minus extendi potest, quo magis inter donationem, acquisitionem, constitutionem feudi, heredi legitimam auferentem, vel minuentem, et exheredationem non parua apparet differentia, ubi illic heres ab intestato saltem honorificum heredis nomen saluum retinet, nec ipsius æstimatio ita læditur, uti per exheredationem. B. SCHVBERTH. quidem in *Disp. sæpius allegata, §. XXXV.* vrget, quod heredem ingratum faciant et mores, et nominatio causæ ingratitudinis in testamento expressa, quodque omnis exhereditatio tacita et præteritio reprobetur, tamen hæc omnia tantum consideratu digna sunt, quando de vltima voluntate, minime vero, ubi de actu inter viuos sermo est. Consentit nobiscum Magnificus BAVER. c. l. §. XXVIII. Tandem legitimam ex feudo petendam remouet quinquennii mora, cuius cursus post mortem feudum inofficiose acquirentis, vel constituentis incipit *l. 34. in fin. C. de inoffic. testam.* cum immodicarum donationum querela ad similitudinem inofficiosi testamenti, legibus introducta fuerit. *l. 9. C. de inoffic. donat.* Huius præscriptionis et merito ad Saxoniam nostram facio extensionem, *Constit. ined. II.* enim actionis, qua legitima petenda, mentionem non iniicit, hinc remedio iuris communis hoc casu præscripto, repudium non factum, potius ipsius vsus tacite conseruatus, retentusque, censetur.

Nou. iij. c. 3. et 4. explicatur.

quinquennii mora remouet legitimam ex feudo petendam.

quæ præscriptio ad Saxon. El. quoque trahitur.